

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में पवन वर्मा।

Headlines

1. प्रधानमंत्री नरेन्द्र मोदी होरें 16में ब्रिस्क शिखर सम्मेलन च हिस्सा लैने आस्तै 2 दिन लेई रूस दे दौरे पर रवाना होई गे न।
2. मुखमन्त्री उमर अब्दुल्ला होरें गगनगीर आतंकवादी हमले गी मंदे भागें आला करार दित्ता। उनें आखेआ जे जम्मू कश्मीर दी विकास प्रक्रिया गी जोफ पजाने दी ओह कुसै गी इजाजत नेई देंगन।
3. मुखमन्त्री उमर अब्दुल्ला ते 85 होर दुए विधायकें जम्मू कश्मीर विधानसभा दे मिंबर दे तौर पर संगंध लैती।
4. राष्ट्रपति द्रौपदी मुर्मू होर अज्ज पानी सरबन्धी 5में राष्ट्रीय सम्मान भेंट करगन।

<><><><><><>

PM-Russia

प्रधानमंत्री नरेन्द्र मोदी होर दऊं दिनें दे रूस दौरे पर रवाना होई गे न, जित्थें ओह कजान शैहरा च लग्गने आले ब्रिक्स शिखर सम्मेलन च हिस्सा लैंगन। ब्रिस्क च शामिल 5एं मुख् ब्राजील, रूस, भारत, चीन ते दक्खन अफ्रीका दे नाएं दे पैहले अक्खरें गी जोड़ियै इस संगठन दा नां ब्रिस्क रखेआ गेदा ऐ। इस शिखर सम्मेलन दा विषय सार ऐ “न्यायपूर्ण कुल संसारी विकास ते सुरक्षा लेई बहुपक्खवाद गी निगगर बनाना”। कजान च मज्जुद आकाशवाणी दे संवाददाता कन्नै गल्लबात करदे होई रूस च भारत दे राजदूत विनय कुमार होरें आखेआ जे शिखर सम्मेलन नेताएं गी प्रमुख वैश्विक मुद्दें पर चर्चा करने लेई इक महत्वपूर्ण मंच प्रदान करोग। शिखर सम्मेलन दरान ब्रिस्क आस्सेआ शुरू कीती गेदी पैहलकदमिं दी प्रगति दा बी जायजा लैता जाग। कुमार होरें अग्गे आखेआ जे प्रधानमंत्री मोदी होर रूस दे राष्ट्रपति ब्लादिमीर पुतिन हुंदे कन्नै दपक्खी बैठक बी करगन। ताई नमीं दिलली च कल प्रधानमंत्री हुंदे रूस दौरे बारे पत्रकारें कन्नै गल्लबात करदे होई विदेश सचिव विक्रम मिसरी होरें आखेआ जे भारत ब्रिक्स दा संस्थापक सदस्य ऐ ते इस संगठन दिएं गतिविधिएं च भारत दी अहम भूमिका रौहदी ऐ।

<><><><><><>

CM Omar(byte)

मुखमन्त्री उमर अब्दुल्ला होरें सोमवारें आखेआ जे ओह कुसै गी बी अपने निजी स्वार्थें लेई जम्मू कश्मीर दे लोकें दी शांति ते विकास दे रस्ते च नेई औन देंगन। जिनें हाल दे चुनाएं च बड़े उत्साह कन्नै हिस्सा लैता हा। कल श्रीनगर च मीडिया आलें कन्नै गल्लबात करदे होई उमर अब्दुल्ला होरें गांदरबल दे गगनगीर च होए दे आतंकी हमले दी निंदेया कीती। उनें आखेआ जे मसूम लोकें उप्पर आतंकी हमले कन्नै किश हासल नेई कीता सकदा ऐ। एह पिछले 35एं ब’रें थमां जम्मू कश्मीर आतंकवाद गी झल्ला’रदा ऐ इस प्रायोजित करने आले गी एह थमां किश हासल नेई होग।

उमर अब्दुल्ला होरें एकेआईएमएस अस्पताल दा दौरा लाया ते उत्थें इस घटना च जख्मी होए दे लोकें दी डोल पुच्छी। जियां पैहले गी खबर दितती गेदी ऐ जे ऐतवारें गांदरबल जिले च श्रीनगर-लेह जरनैली शिड़के पर आतंकिं आस्सेआ सुरंग बनाने आली थाहरे कश हमला कीता गेआ ऐ, एहदे च इक डाक्टर ते 6 मजदूर मारे गे हे।

<><><><><><>

उपराज्यपाल मनोज सिन्हा होरें कल गांदरगल दे गगनगीर इलाके च आतंकवादी हमले च मारे गेदे 7एं लोकें चा इक शशि अबरोल हुंदे परोआर आलें कन्नै कल मलाटी कीती। उनें सौगी परोआर कन्नै अपनियां संवेदना जाहर कीतियां। उपराज्यपाल होरें भरोसा दोआया जे इस हमले दे जिम्मेदार आतंकवादिएं गी बख्शोआ नेई जाग ते तौले गै उंदा सफाया कीता जाग। उनें पीड़ित परोआर गी प्रशासन आस्सेआ हर संभव मदद दा भरोसा दोआया। पूरा मुख्य दुख दी इस घड़ी च सौगी परोआरें कन्ने ऐ। उनें आखेआ जे प्रशासन अबरोल हुंदे बच्चें दी शिक्षा ते कल्याण लेई हर संभव जतन करोग। चिरे संजा शशि हुंदा पार्थिव शरीर उंदे घर पुज्जा। उंदी खीरी संस्कार अज्ज कीता जाग।

<><><><><><>

Combing Operation

गांदरबल च सुरंग निर्माण आली थाहर पर आतंकवादिएं आस्सेआ कीते गेदे हमले जेहूदे च 7एं लोक मारे गे हे, दे मगरा सुरक्षाबलें कल इलाके च व्यापक तपाशी अभियान चलाया ऐ। एनआईए मोके वारदात पर जाइयै सबूत किट्टे करा'रदी ऐ। सेना, सीआरपीएफ ते पुलसकर्मी निर्माण आली थाहर दे आले दुआले तपाशी करा'रदे न तां जे आतंकवादिएं जां फही ओहूदे सहायकें गी फगड़ेआ जाई सकै। रिपोर्ट मूलब राष्ट्रीय जांच अजेंसी नै मौके आली थाहर दा दौरा लाया ऐ तां जे किश सबूत किट्टे करी सकै जेहूदे कन्नै जांच च मदद थ्होग ते इस हमले लेई जिम्मेदार लोकें खलाफ कारवाई होइ सकै।

<><><><><><>

ADGP

एडीजीपी जम्मू आनंद जैन होरें आखेआ जे जम्मू कश्मीर पुलस कुसै बी मुश्मल परेशानी कन्नै निबड़ने लेई पूरी चाल्ली तैआर ऐ। आकाशवाणी जम्मू संवाददाता दी रिपोर्ट मूजब एडीजीपी हुंदा एह ब्यान गांदरबल जिले च निर्माणधीन सुरंग कश होए दे आतंकवादी हमले जेहूदे च इक डाक्टर ते 6 कम्मगार मारे गे हे, दी पच्छोकड़ै च आया ऐ। जैन होरें इनें चुनौतिएं कन्ने निबड़ने कनून बवस्था बनाई रखने ते कनून नाफिज करोआने आलियां दी वचनबद्धता गी दोहराया। उनें आखेआ जे हिंसा आली कुसै बी घटना खलाफ बनकदा परतो देने लेई सुरक्षाबल तैआर न।

<><><><><><>

Jammu Protest

गांदरबल च सुरंग निर्माण आली थाहर आतंकवादिएं आस्सेआ कीते गेदे हमले दे इक दिन मगरा शिव सेना, डोगरा फ्रंट ते राष्ट्रीय बजरंग दल नै जम्मू च कल पाकिस्तान दे झंडे फूके ते विरोध पदर्शन कीता। इनें गोआंढी मुख्य खलाफ नारेबाजी बी कीती। प्रदर्शनकारी मंग करा'रदे हे जे जेहूदे बी आतंकवादी इस हमले लेई जिम्मेदार न, उंदा तौले थमां तौले सफाया कीता जाना लोड़चदा, तां जे लोकें च साह भरोसा बधी सकै। जम्मू कश्मीर च शांतिपूर्ण ढंगै सिर सम्पन्न विधानसभा चुनां ते नमीं सरकार दे गठन करी बोखलाए दा पाकिस्तान नेइयां हरकतां करा'रदा ऐ। उनें मंग कीती जे जेहूदे बी लोक कश्मीर च कम्म करा'रदे न, उंदी सुरक्षा गी जकीनी बनाया जाना लोड़चदा।

<><><><><><>

Candle March

गांदरबल ते शोपियां च आतंकवादी हमले च मारे गेदे लोकें ते उंदे परोआर कन्ने दुख दी इस घड़ी च इक जुटता जाहर करने लेई शोपिया च कैंडल मार्च कड़डेआ। सारे लोकें इस अमानवीय घटना दी निंदेया कीती। सब्बने खित्ते च शांति ते रमानदारी ब्हाली पर जोर पाया।

<><><><><><>

CM Oath

मुख्यमंत्री उमर अब्दुल्ला ते 85 होर दुए कल जम्मू कश्मीर विधानसभा दे मिंबर दे तौर पर सगंध लेती। प्रोटेम स्पीकर मुबारक गुल होरें इनें सारें गी विधानसभा दे मिंबरें दे तौर पर सगंध दोआई। मुख्यमंत्री होरें कश्मीरी च सगंध लेती, जिसलै कि बीजेपी दी एमएलए शगुन परिहार होरें संस्कृत च सगंध लेती। अपने संबोधन च मुबारक गुल होरें सब्बने दा सुआगत कीता ते आखेआ जे 6 ब'रे दे मगरा जम्मू कश्मीर विधानसभा लगा'रदी ऐ ते एह बड़ी गै खुशी आली गल्ल ऐ। उनें आखेआ जे चुने गेदे विधायकें गी लोकें दे कलयाण लेई किट्ठे रलियै कम्म करना लोड़चदा। प्रोटेम स्पीकर होरें एह बी घोषणा कीती जे उमर अब्दुल्ला होरें बडगाम विधानसभासीट छोड़ी दित्ती ऐ ते गांदरबल सीट गी बरकरार रखेआ ऐ।

<><><><><><>

President

राष्ट्रपति द्रौपदी मुर्मू होर अज्ज नमीं दिल्ली च 5में राष्ट्र जल पुरस्कार-2023 मेंअ करगन। केन्द्री जल शक्ति मंत्रालय नै 9 श्रेणिएं च 38 विजेताएं दी घोषणा कीती ऐ। जिंदे च बेहतरीन राज्य, बेहतरीन जिला, बेहतरीन ग्रां-पंचैत, बेहतरीन शैहरी मकामी विकास, बेहतरीन वाटर यूसर एसोसिएशन ते बेहतरीन सिविल सोसायटी शामिल ऐ। साढ़े संवाददाता दी रिपोर्ट मूजब बेहतरीन राज्य दी श्रेणी च पैह्ला पुरस्कार आंडिशा राज्य गी, दूआ पुरस्कार उत्तर प्रदेश राज्य गी ते त्रीआ पुरस्कार गुजरात ते पुडुचेरी गी दित्ता गेआ ऐ।

<><><><><><>

Haj 2025

भारत दी हल कमेटी नै हज-2025 लेई अगेत्री हज रकम जमा करने दी खीरी तरीक 21 अक्तूबर थमां बघाइयै 31 अक्तूबर करी दित्ती ऐ ते चुने गेदे तीर्थ यात्रिएं गी 5 नवम्बर तगर दस्तावेज जमा करोआने लेई आखेआ गेआ ऐ। हज कमेटी आस्सेआ जारी कीते गेदे सर्कुलर मूजब एह जरूरी ऐ जे हज तार्थ यसत्रिएं अगेत्री हज रकम जमा करने दे सरबंधे च राज्य हज कमेटी कन्ने संपर्क करन।

<><><><><><>

Udhampur Poshan(byte)

उधमपुर दियां डिप्टी कमीशनर सोलनी राय होरें कल पोषण अभियान विषय “ पोषण ऑन व्हील्स” तैहत् 2 मूबाइल वैनें गी झंडी दस्सियै रवाना कीता, एहदा मकसद पूरे जिले च पोषण दिए बक्ख-बक्ख स्कीमें बारे लोकें गी जागरूक करना ऐ। उधमपुर थमां साढ़े संवाददाता अचिन दूबे हुंदे कन्नै गल्लबात करदे होई डीसी होरें आखेआ

<><><><><><>

Jammu Exhibition

पी.एम विश्वकर्मा योजना तैहत् पंजीकृत कारीगरें आस्तै डैडम् विकास सुविधा आफिस जम्मू आस्सेआ गांधी नगर गोल मार्किट ग्राउंड जम्मू च 24 अक्तूबर शा लेइयै 29 अक्तूबर तगर इक्क नमैश ते बपार मेले दा सरिस्ता कीता जा'रदा ऐ। एह नमैश पी.एम विश्वकर्मा कारीगरें ताई बपार दे मौकें गी बदाने दे मकसद कन्नै आयोजित कीती जारदी ऐ। इत्थें स्टाल मुफ्त उपलब्ध करोआए जा'रदे न। 2 जनें ताई 3 दिनें दा रौहे-बौहे, माल ढोने सने होर खर्चे दी वापसी दा प्रावधान होग।

<><><><><><>